

18 September 2017

KENYATAAN MEDIA

oleh Dato' Ir. Jaseni Maidinsa,
Ketua Pegawai Eksekutif,
PBA Holdings Bhd (PBAHB) dan
Perbadanan Bekalan Air Pulau Pinang Sdn Bhd (PBAPP)

KERJA-KERJA PENYELENGGARAAN ELEKTRIK DAN PENYAMBUNGAN PAIP DI LOJI RAWATAN AIR SUNGAI DUA SABTU INI (23/9/2017)

- **9.00 pagi – 3.00 petang Sabtu, 23/9/2017.**
- **Skop kerja termasuk henti tugas pencawang elektrik TNB 33KV untuk kerja penyelenggaraan.**
- **PBAPP akan berusaha untuk memastikan bekalan air normal di seluruh Pulau Pinang. Walau bagaimanapun, sesetengah pengguna mungkin mengalami tekanan air rendah.**

PULAU PINANG, Isnin (18/9/2017): Kerja-kerja penyelenggaraan elektrik dan penyambungan paip akan dijalankan di Loji Rawatan Air (LRA) Sungai Dua di Seberang Prai Utara Sabtu ini, 23/9/2017.

Skop kerja adalah:

- Henti tugas pencawang elektrik 33KV oleh Tenaga Nasional Berhad (TNB) untuk kerja-kerja penyelenggaraan. TNB sebelum ini “menyelenggara” pencawang elektrik ini pada 28/11/2013.
- Menyelenggara suis elektrik 33KV dan 11KV, panel dan kerja-kerja berkaitan di pencawang elektrik oleh kontraktor.
- Penyambungan akhir paip baru 1500mm ke paip 2500mm sedia ada bagi membolehkan penyaluran air mentah pada kadar lebih tinggi (Pakej 12, Fasa 4).
- Penggantian “*flash mixer shaft*” dalam tangki pengentalan (Pakej 10).

LRA Sungai Dua adalah LRA terbesar di Pulau Pinang. Ia mengeluarkan

lebih daripada 80% air terawat yang disalurkan di seluruh negeri pada setiap hari.

Walau bagaimanapun, Perbadanan Bekalan Air Pulau Pinang Sdn Bhd (PBAPP) akan berusaha memastikan kerja-kerja yang dijadualkan dari jam 9.00 pagi hingga 3.00 petang pada hari Sabtu (23/9/2017) TIDAK menjejaskan bekalan air di Seberang Prai dan Pulau Pinang.

Langkah-langkah yang akan diambil adalah:

- Mengisi kolam-kolam air di seluruh negeri sebelum kerja dimulakan.
- Penggunaan pam diesel dan set generator di WTP Sungai Dua untuk tempoh henti tugas tenaga elektrik.
- Mengoptimumkan pengeluaran air terawat dari LRA lain untuk mengimbangi penurunan pengeluaran air terawat dari LRA Sungai Dua.
- Memantau tekanan penyaluran air di seluruh Pulau Pinang dan melaksanakan langkah-langkah pemulihan sekiranya perlu.

Sila ambil perhatian bahawa sesetengah pengguna mungkin mengalami tekanan air rendah untuk tempoh yang singkat jika terdapat permintaan air yang lebih tinggi daripada biasa.

Pengguna yang mengalami tekanan air rendah diminta menghubungi Pusat Panggilan 24 jam PBAPP (tel no 04 255 8 255).

Terima kasih.

Dato' Ir. Jaseni Maidinsa,
Ketua Pegawai Eksekutif,
PBA Holdings Bhd (PBAHB) dan
Perbadanan Bekalan Air Pulau Pinang Sdn Bhd (PBAPP)

Dikeluarkan oleh : Puan Syarifah Nasywa bt Syed Feisal Barakbah
Unit Komunikasi Korporat
Tel : 04-200 660 Email : syarifah@pba.com.my